

ASMIR KUJOVIĆ

Z I K R

Pogledaj kako lelujamo na vjetru  
Dok padamo oslobođeni sile teže  
Pogledaj kako prestižemo naše davne glasove  
i plač, i šapat, i urlik, i kikotanje  
Ustima hvatamo zvijezde starije od Svemira  
Lebdimo sjevernije od Sjevernog pola  
Ovaj svijet je mapa naših teritorija  
Mi smo čahure neviđenih leptira  
Pogledaj kako se gvožđe rastapa u magnetnom paklu  
U ravnoteži sila sastavnih i rastavnih  
Pogledaj kako hodamo po toj oštrici  
I kako lako oživljujemo umrtvljujući  
I umrtvljujemo oživljujući  
U kolijevci što se talasa na vodi Jordana  
Rađamo se davno  
Na mjestu koje je otplovilo iza zalaska sunca  
Ispisujemo matematičku jednačinu stvaranja  
Koji niko od nas ne zna pročitati  
No ona je tačna jer smo je nasumice zapisali  
Ulazimo kroz hiljadu neotvaranih kapija  
Pogledaj ovaj cvijet se otvorio tako široko  
Da se zatvorio na suprotnoj strani  
Mi smo bačene kocke  
Koje padaju na svih šest strana istodobno  
Pogledaj kako se isteže riječ  
I sabira praznine među slovima  
Iz tih praznina proviruju riječi novog jezika  
Od tih praznina smo sazdani  
Raspletimo tu noćnu nit  
Koja dijeli ovaj dan na hiljade nevidljivih dana  
Kroz ovu rupu se otvaramo u sebe  
Kroz ovaj tunelski prolaz zvijezde plešu  
U talasima odzvanjanjaju Božije riječi  
U ravnoteži viškova koji su manjkovi  
U ravnoteži manjkova koji su viškovi  
Mi smo bačene kocke  
Koje padaju na svih šest strana istodobno